

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH broj: 12/03,34/03 i 65/13), člana 12. Zakona o javnim preduzećima u Federaciji BiH („Službene novine FBiH“ broj: 81/08, 22/09, 109/12), člana 36. stav (1) tačka (3) Statuta Javnog preduzeća „ZENICAGAS“ d.o.o., Zenica, (broj: 01-49-936/18-1 od 17.09.2018. godine), Odluke o izmjeni statuta (broj: 02-49-2198/18 od 13.11.2018. godine), Nadzorni odbor Javnog preduzeća „ZENICAGAS“ d.o.o., raspisuje:

KONKURS

za izbor i imenovanje direktora kao Uprave Javnog preduzeća „ZENICAGAS“ d.o.o., Zenica

I

Raspisuje se konkurs za izbor i imenovanje direktora kao Uprave Javnog preduzeća „ZENICAGAS“ d.o.o, Zenica

II

Imenovanje Direktora Javnog Preduzeća „ZENICAGAS“ d.o.o., Zenica vrši se na mandatni period od 4 (četiri) godine, sa mogućnošću ponovnog imenovanja.

III

Direktor Javnog preduzeća „ZENICAGAS“ d.o.o., u skladu sa članom 39. Statuta J.P ZENICAGAS d.o.o. odgovoran je za:

1. rukovođenje procesom rada,
2. izvještavanje Nadzornog odbora na njegov zahtjev,
3. provođenje etičkog kodeksa,
4. izradu prijedloga i nadgledanje realizacije planova poslovanja,
5. osiguranje provedbe propisa u procedurama javnih nabavki,
6. pripremu kalkulacije cijena usluga Preduzeća,
7. donošenje Pravilnika o radu i drugih općih akata,
8. pripremanje prijedloga o raspodjeli dobiti ili pokriću gubitaka,
9. odlučivanje o pravima i obavezama zaposlenika,
10. primjenu preporuka Odjela za reviziju,
11. druge aktivnosti neophodne za nesmetano poslovanje

Kandidat koji aplicira za poziciju direktora kao Uprave Javnog preduzeća „ZENICAGAS“ d.o.o., Zenica treba ispunjavati opće i posebne uslove i to:

I Opći uvjeti za imenovanje su:

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 (tri) godine prije dana objavljivanja upražnjene pozicije;
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine);
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH broj: 12/03,34/03 i 65/13)
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine FBiH“ broj: 70/08);

7. da nema privatni i finansijski interes u Javnom preduzeću „ZENICAGAS“ d.o.o.;
8. da nije osuđivan za krivično djelo nespojivo sa dužnošću za koju se kandiduje, pet godina od dana pravosnažnosti presude, isključujući vrijeme zatvorske kazne;
9. da nije lice kojem je pravosnažnom presudom suda zabranjeno obavljanje aktivnosti direktora u javnim preduzećima u FBiH.

II Posebni uvjeti za imenovanje su:

1. da posjeduje visoku stručnu spremu, ekonomskog, mašinskog ili građevinskog smjera ili završen prvi ciklus studija po Bolonjskom procesu sa ostvarenih (VII stepen - VSS) 240 ETCS bodova,
2. ima najmanje 5 (pet) godina radnog iskustva u struci i spremi, od čega najmanje 3 (tri) godine na rukovodnom mjestu;
3. da podnese program razvoja Preduzeća za period od 4 (četiri) godine;
4. komunikativnost, sposobnost vođenja, timski rad, inovativnost i efikasnost.

Potrebni dokumenti:

Prijava kandidata treba da sadrži sljedeće:

1. kraću biografiju;
2. adresu i kontakt telefon.

Uz prijavu potrebno je dostaviti orginalne dokumente ili ovjerene fotokopije, kao dokaz o ispunjenju općih i posebnih uslova i to:

1. Uvjerenje o državljanstvu ili ovjerenu kopiju lične karte,
2. Univerzitetsku diplomu,
3. Dokaz o radnom iskustvu u struci i spremi,
4. Program razvoja Preduzeća za period od 4 (četiri) godine,
5. Ovjerene izjave o činjenicama iz tačke 3 do 7 općih uvjeta,
6. Uvjerenje nadležnog suda prema mjestu prebivališta, da kandidatu nije izrečena zaštitna mjera obavljanja aktivnosti 3 (tri) godine od dana pravosnažnosti odluke o izrečenoj mjeri.

Sa kandidatima koji uđu u uži izbor Komisija će obaviti intervju.

Kandidat koji uđe u uži krug izbora, dostavit će Uvjerenje da nije osuđivan za krivično djelo nespojivo sa dužnošću za koju se kandiduje, pet godina od dana pravosnažnosti presude, isključujući vrijeme zatvorske kazne.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11, i 89/11).

Prijave sa potrebnom dokumentacijom se dostavlja lično ili poštom na adresu:

Javno preduzeće „ZENICAGAS“ d.o.o., Zenica
Nadzorni odbor Javnog preduzeća „ZENICAGAS“ d.o.o., Zenica
ul. Muhameda Seida Serdarevića 1, 72 000, Zenica
sa naznakom „Prijava na konkurs za izbor i imenovanje direktora kao Uprave Javnog preduzeća „ZENICAGAS“ d.o.o., Zenica – **NE OTVARAJ**“

Rok prijave:

Konkurs ostaje otvoren 14 (četrnaest) dana od dana njegovog posljednjeg objavljivanja, a isti će biti objavljen u „Službenim novinama Federacije BiH“ i dnevnom listu „Dnevni avaz“ i web stranici Grada Zenica www.zenica.ba.

Nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.

U Zenici, 28.03.2019 . godine.

Broj: 01-143/19